

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-944/19
Sarajevo, 16.5.2019. godine

Z A P I S N I K
1. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane
16. maja 2019. godine

Sjednica je počela u 13.36.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predsjednika i potpredsjednicu Vlade Federacije, ministre u Vladi Federacije, predstavnike medija i institucija čiji su izvještaji na dnevnom redu 1. vanredne sjednice.

Izostanak sa sjednice je najavio delegat Zdravko Bešlić.

Prema evidenciji Stručne službe, sjednici prisustvuje 52 delegata što čini većinu pa Dom naroda može raditi i punovažno odlučivati.

Prije prelaska na rad predsjedavajući je upitao delegate ima li prijedloga za izmjenu i dopunu dnevnog reda te je uslijedila diskusija u kojoj su učestvovali: Zvonko Marić, Tomislav Martinović, Aner Žuljević, predsjednik Kluba delegata bošnjačkog naroda, Jasmin Duvnjak, potpredsjedavajući Doma naroda, Aljoša Čampara, predsjednik Kluba delegata hrvatskog naroda, Ivo Tadić, Goran Broćeta i Vibor Handžić.

Zatim je predsjedavajući stavio na glasanje i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine sa 42 glasa za, jednim glasom protiv i 10 uzdržanih glasova usvojio sljedeći:

D N E V N I R E D:

1. Prijedlog odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu,
2. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2019. godinu,

3. Izvještaj o radu Vlade Federacije Bosne i Hercegovine za 2018. godinu,
4. Izvještaj o izvršenju Budžeta Federacije Bosne i Hercegovine u periodu od 1.1. do 31.12. 2018. godine,
5. Informacija o vanjskom i unutrašnjem dugu u Federaciji Bosne i Hercegovine na dan 31.12. 2018. godine,
6. Kvartalni izvještaj o dugu Q1/2019,
7. Godišnji plan zaduživanja za 2019. godinu,
8. Strategija upravljanja dugom 2019. - 2021. godine,
9. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2018. godinu,
10. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2018. godine,
11. Izvještaji Fonda za profesionalnu rehabilitaciju i zapošljavanje osoba sa invaliditetom za 2018. godinu,
12. Izvještaj o radu Federalnog zavoda za zapošljavanje za 2018. godinu,
13. Odluka o izdvajanju sredstava u Fond solidarnosti Federacije Bosne i Hercegovine za 2019. godinu,
14. Izbor i imenovanja:

- Prijedlog odluke o izboru predsjednika, zamjenika predsjednika i članova Privremenog odbora za poljoprivredu, vodoprivredu i šumarstvo Doma naroda Parlamenta Federacije BiH.

1. Prijedlog odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu

Vlada Federacije, radi razmatranja i davanja saglasnosti, Parlamentu Federacije dostavila je Prijedlog odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu.

Prijedlog odluke razmatrala su nadležna radna tijela i dostavila svoje izvještaje.

Prijedlog odluke obrazložila je direktorica Zavoda za transfuzijsku medicinu Federacije Bosne i Hercegovine, Jasminka Kurilić.

U raspravi su učestvovali: Zvonko Marić, Dragan Stevanović, koji je predložio zaključak i Segmedina Srna-Bajramović, također sa prijedlogom dva zaključka.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa za i jednim uzdržanim glasom, donio Odluku o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2018. godinu.

Potom je predsjedavajući stavio na glasanje zaključak Dragana Stevanovića.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za i tri uzdržana glasa usvojio sljedeći

ZAKLJUČAK

Zadužuje se resorno ministarstvo da izradi Analizu funkcioniranja Zavoda za transfuzijsku medicinu Federacije Bosne i Hercegovine i sačini Plan razvoja i reorganizacije Zavoda za transfuzijsku medicinu Federacije Bosne i Hercegovine i dostavi ga Domu naroda Parlamenta Federacije BiH.

Segmedina Srna-Bajramović je predložila sljedeće zaključke:

1. Zadužuje se Vlada Federacije Bosne i Hercegovine da u Rebalansu Budžeta Federacije Bosne i Hercegovine za 2019. godinu planira povećanje sredstava kako funkcioniranje Zavoda za transfuzijsku medicinu Federacije BiH ne bi bilo ugroženo do kraja godine.
2. Zadužuje se Vlada Federacije Bosne i Hercegovine da odobrena sredstva u Budžetu Federacije uplaćuje u redovnim mjesečnim tranšama kako bi osigurana javna sredstva Zavodu na vrijeme bila na raspolaganju.

Segmedina Srna-Bajramović je izjavila da se ta dva zaključka mogu sublimirati u jedan, nakon čega je predsjedavajući Doma naroda pozvao federalnu ministricu finansija, Jelku Milićević, da se obrati Domu naroda.

Nakon obraćanja federalne ministricе finansija, predsjedavajući je stavio na glasanje zaključak delegatkinje Segmedine Srna-Bajramović te na osnovu rezultata glasanja konstatovao da zaključak nije dobio potrebnu većinu glasova jer je za glasalo 28 delegata, 16 delegata je bilo uzdržano, a jedan delegat je bio protiv.

2. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2019. godinu

Vlada Federacije dostavila je Parlamentu Federacije, radi razmatranja i davanja saglasnosti, Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2019. godinu.

Nije bilo potrebe da predstavnik Vlade Federacije obrazloži prijedlog odluke.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 45 glasova za i dva uzdržana glasa donio Odluku o davanju saglasnosti na na Finansijski plan Zavoda za transfuzijsku medicinu Federacije Bosne i Hercegovine za 2019. godinu.

3. Izvještaj o radu Vlade Federacije Bosne i Hercegovine za 2018. godinu

Vlada Federacije je radi razmatranja dostavila Izvještaj o radu Parlamentu Federacije.

Izvještaj o radu Vlade Federacije Bosne i Hercegovine za 2018. godinu su razmatrala nadležna radna tijela i dostavila svoje izvještaje.

Izvještaj je obrazložio premijer Federacije Bosne i Hercegovine Fadil Novalić.

U raspravi su učestvovali: Zvonko Marić, Damir Marjanović, Aner Žuljević, Vibor Handžić, Goran Broćeta, Fadil Novalić i Jelka Milićević.

Nakon rasprave, sekretar Doma naroda Izmir Hadžiavdzić izvršio je prozivku delegata Doma naroda, radi utvrđivanja kvoruma.

Zatim je predsjedavajući stavio na glasanje Izvještaj o radu Vlade Federacije Bosne i Hercegovine za 2018. godinu i na osnovu rezultata glasanja konstatovao da Dom naroda Parlamenta Federacije nije prihvatio Izvještaj o radu Vlade Federacije Bosne i Hercegovine za 2018. godinu jer je za glasalo 27 delegata, 17 delegata je bilo protiv, a šest delegata je bilo uzdržano.

Sumnju u rezultate glasanja izrazio je predsjednik Kluba delegata bošnjačkog naroda, Jasmin Duvnjak pa je sekretar Doma naroda izvršio poimenično izjašnjavanje.

Na osnovu rezultata poimeničnog izjašnjavanja predsjedavajući Doma naroda je konstatovao da Dom naroda Parlamenta Federacije Bosne i Hercegovine nije prihvatio Izvještaj o radu Vlade Federacije Bosne i Hercegovine za 2018. godinu, jer je za glasalo 29 delegata, 19 delegata je bilo protiv, a četiri delegata su bila uzdržana.

4. Izvještaj o izvršenju Budžeta Federacije Bosne i Hercegovine u periodu od 1.1. do 31.12. 2018. godine

Vlada Federacije je Parlamentu Federacije dostavila Izvještaj o izvršenju Budžeta Federacije Bosne i Hercegovine u periodu od 1.1. do 31.12. 2018. godine, radi razmatranja i usvajanja.

Izvještaj su razmatrala nadležna radna tijela i dostavila svoje izvještaje.

Izveštaj je obrazložila federalna ministrica finansija, Jelka Milićević.

U raspravi su učestvovali: Damir Marjanović, Senad Alić, Aner Žuljević i Jelka Milićević.

Na osnovu rezultata glasanja, predsjedavajući je konstatovao da Dom naroda Parlamenta Federacije nije usvojio Izveštaj o izvršenju Budžeta Federacije Bosne i Hercegovine u periodu od 1.1. do 31.12. 2018. godine jer je za glasalo 26 delegata, 14 delegata je bilo protiv, a četiri delegata su bila uzdržana.

S obzirom da je izražena sumnja u rezultate glasanja, sekretar Doma naroda je na osnovu člana 113. Poslovnika o radu Doma naroda izvršio poimenično izjašnjavanje.

Na osnovu rezultata poimeničnog izjašnjavanja, predsjedavajući Doma naroda konstatovao je da, Dom naroda Parlamenta Federacije Bosne i Hercegovine nije usvojio Izveštaj o izvršenju Budžeta Federacije Bosne i Hercegovine u periodu od 1.1. do 31.12. 2018. Godine, jer je za glasalo 29 delegata, 16 delegata je bilo protiv, a četiri delegata su bila uzdržana.

5. Informacija o vanjskom i unutrašnjem dugu u Federaciji Bosne i Hercegovine na dan 31.12. 2018. godine

Vlada Federacije Parlamentu Federacije dostavila je Informaciju o vanjskom i unutrašnjem dugu u Federaciji Bosne i Hercegovine na dan 31.12. 2018. godine u svrhu informiranja.

Informaciju su razmatrala nadležna radna tijela i dostavila svoje izvještaje.

Informaciju o vanjskom i unutrašnjem dugu u Federaciji Bosne i Hercegovine na dan 31.12. 2018. godine je obrazložila federalna ministrica finansija, Jelka Milićević.

U raspravi su učestvovali: Zvonko Marić, Aner Žuljević, Ramo Isak, Jelka Milićević i Mladen Simić.

Potpredsjedavajući Doma naroda, Aljoša Čampara, koji je u međuvremenu preuzeo predsjedavanje sjednicom Doma naroda, konstatovao je da, budući da se radi o materijalu koji je Parlamentu Federacije dostavljen radi informiranja, Dom naroda Parlamenta Federacije Bosne i Hercegovine prima na znanje Informaciju o vanjskom i unutrašnjem dugu u Federaciji Bosne i Hercegovine na dan 31.12. 2018. godine.

6. Kvartalni izvještaj o dugu Q1/2019

Vlada Federacije je radi informiranja dostavila Parlamentu Federacije Kvartalni izvještaj o dugu Q1/2019.

Kvartalni izvještaj su razmatrala nadležna radna tijela i dostavila svoje izvještaje.

Nije bilo potrebe da predstavnik Vlade Federacije obrazloži kvartalni izvještaj.

U raspravi nije niko učestvovao.

Potpredsjedavajući je konstatovao da je Dom naroda Parlamenta Federacije Bosne i Hercegovine primio na znanje Kvartalni izvještaj o dugu Q1/2019.

7. Godišnji plan zaduživanja za 2019. godinu

Vlada Federacije je radi informiranja dostavila Parlamentu Federacije Godišnji plan zaduživanja za 2019. godinu.

Godišnji plan zaduživanja za 2019. godinu razmatrala su nadležna radna tijela i dostavila svoje izvještaje.

Godišnji plan zaduživanja za 2019. godinu je obrazložila federalna ministrica finansija, Jelka Milićević.

Nije bilo rasprave.

Potpredsjedavajući je konstatovao da je Dom naroda Parlamenta Federacije Bosne i Hercegovine primio na znanje Godišnji plan zaduživanja za 2019. godinu.

8. Strategija upravljanja dugom 2019. - 2021. godine

Vlada Federacije, radi informiranja, dostavila je Parlamentu Federacije Strategiju upravljanja dugom 2019. - 2021. godine.

Strategiju upravljanja dugom 2019. - 2021. godine razmatrala su nadležna radna tijela i dostavila svoje izvještaje.

Strategiju upravljanja dugom 2019. - 2021. godine obrazložila je federalna ministrica finansija, Jelka Milićević.

Nije bilo rasprave.

Potpredsjedavajući je konstatovao da je Dom naroda Parlamenta Federacije Bosne i Hercegovine primio na znanje Strategiju upravljanja dugom 2019. - 2021. godine.

9. Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2018. godinu

Potpredsjedavajući je podsjetio delegate da je članom 14. Zakona o reviziji privatizacije državnog kapitala u privrednim društvima i bankama definirana obaveza Agencije za reviziju privatizacije u Federaciji BiH da, najkasnije do 30. marta tekuće godine, Parlamentu Federacije dostavi izvještaj o izvršenju Programa rada za prethodnu godinu, a što je Agencija i uradila.

Izvještaj su razmatrala nadležna radna tijela i dostavila svoje izvještaje.

Nije bilo potrebe da predstavnik Agencije za reviziju privatizacije obrazloži Izvještaj.

U raspravi su učestvovali: Žarko Vujović, Zvonko Marić, Jasmin Duvnjak, Igor Stojanović, direktor Agencije za reviziju privatizacije u Federaciji BiH, Vedad Duraković i Ramo Isak.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, pet uzdržanih glasova i jednim glasom protiv usvojio sljedeći

ZAKLJUČAK

I

Usvaja se Izvještaj o izvršenju Programa rada Agencije za reviziju privatizacije u Federaciji Bosne i Hercegovine za 2018. godinu.

II

Ovaj zaključak stupa na snagu danom donošenja.

Potom je potpredsjedavajući stavio na glasanje zaključak koji je predložio delegat Žarko Vujović, a kojim se zadužuje Vlada Federacije da u narednom periodu pokuša obezbijediti dodatna materijalno-finansijska sredstva za rad Agencije za reviziju privatizacije u Federaciji Bosne i Hercegovine.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio predloženi zaključak jer je za glasalo 26 delegata, a 15 delegata je bilo uzdržano.

Nakon toga predsjedavanje sjednicom je ponovo preuzeo predsjedavajući, Tomislav Martinović.

10. Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2018. godine

Na osnovu člana 13. Zakona o reviziji privatizacije državnog kapitala u privrednim društvima i bankama, Agencija za reviziju privatizacije dužna je svakih šest mjeseci, putem Vlade Federacije, informirati Parlament Federacije o izvršenim revizijama privatizacije državnog kapitala privrednih društava i banaka u Federaciji.

Vlada Federacije je dostavila Informaciju o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2018. godine, radi razmatranja i prihvatanja.

Informaciju su razmatrala nadležna radna tijela i dostavila svoje izvještaje.

Nije bilo potrebe da predstavnik Vlade Federacije obrazloži Informaciju.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, pet uzdržanih glasova i jednim glasom protiv usvojio sljedeći

ZAKLJUČAK

I

Prihvata se Informacija o izvršenim revizijama privatizacije državnog kapitala privrednih društava i banaka u Federaciji Bosne i Hercegovine za period juli - decembar 2018. godine.

II

Ovaj zaključak stupa na snagu danom donošenja.

11. Izvještaji Fonda za profesionalnu rehabilitaciju i zapošljavanje osoba sa invaliditetom za 2018. godinu

Predsjedavajući je podsjetio delegate da je Fond za profesionalnu rehabilitaciju i zapošljavanje osoba sa invaliditetom Parlamentu Federacije radi usvajanja dostavio sljedeće izvještaje:

- Izvještaj o radu Fonda za profesionalnu rehabilitaciju i zapošljavanje osoba sa invaliditetom za 2018. godinu,
- Izvještaj o izvršenju Finansijskog plana Fonda za period od 01.01. - 31.12.2018. godine.

Izvještaje su razmatrala nadležna radna tijela i dostavila svoje izvještaje.

Izvještaje Fonda za profesionalnu rehabilitaciju i zapošljavanje osoba sa invaliditetom za 2018. godinu obrazložio je direktor Fonda, Ahmet Baljić.

U raspravi su učestvovali: Zvonko Marić i Ahmet Baljić.

Na osnovu rezultata, glasanja predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za i pet uzdržanih glasova prihvatio sljedeći

Z A K L J U Č A K

Dom naroda Parlamenta Federacije Bosne i Hercegovine usvaja Izvještaj o radu Fonda za profesionalnu rehabilitaciju i zapošljavanje osoba sa invaliditetom za 2018. godinu i Izvještaj o izvršenju Finansijskog plana Fonda za period od 01. 01. - 31.12.2018. godine.

12. Izvještaj o radu Federalnog zavoda za zapošljavanje za 2018. godinu

Vlada Federacije je prihvatila Izvještaj o radu Federalnog zavoda za zapošljavanje za 2018. godinu i dostavila ga Parlamentu Federacije radi razmatranja.

Izvještaj su razmatrala nadležna radna tijela i dostavila svoje izvještaje.

Nije bilo potrebe da predstavnik Federalnog zavoda za zapošljavanje obrazloži Izvještaj.

U raspravi je učestvovao Ramo Isak.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije prihvatio Izvještaj o radu Federalnog zavoda za zapošljavanje za 2018. godinu jer je za glasalo 27 delegata, 13 delegata je bilo protiv, a pet delegata je bilo uzdržano.

S obzirom da je izražena sumnja u rezultate glasanja, sekretar Doma naroda je izvršio poimenično izjašnjanje.

Na osnovu rezultata poimeničnog izjašnjanja, predsjedavajući je konstatovao da Dom naroda Parlamenta Federacije Bosne i Hercegovine nije prihvatio Izvještaj o radu Federalnog zavoda za zapošljavanje za 2018. godinu jer je za glasalo 28 delegata, 14 delegata je bilo protiv, a šest delegata je bilo uzdržano.

13. Odluka o izdvajanju sredstava u Fond solidarnosti Federacije Bosne i Hercegovine za 2019. godinu

Vlada Federacije dostavila je Parlamentu Federacije, radi informiranja, Odluku o izdvajanju sredstava u Fond solidarnosti Federacije Bosne i Hercegovine za 2019. godinu.

Odluku o izdvajanju sredstava u Fond solidarnosti Federacije Bosne i Hercegovine za 2019. godinu razmatrala su nadležna radna tijela i dostavila svoje izvještaje.

Nije bilo rasprave.

Predsjedavajući je konstatovao da je Dom naroda Parlamenta Federacije Bosne i Hercegovine primio na znanje Odluku o izdvajanju sredstava u Fond solidarnosti Federacije Bosne i Hercegovine za 2019. godinu.

14. Izbor i imenovanja:

- **Prijedlog odluke o izboru predsjednika, zamjenika predsjednika i članova Privremenog odbora za poljoprivredu, vodoprivredu i šumarstvo Doma naroda Parlamenta Federacije BiH**

Prijedlog odluke o izboru predsjednika, zamjenika predsjednika i članova Privremenog odbora za poljoprivredu, vodoprivredu i šumarstvo

Doma naroda Parlamenta Federacije BiH, na prijedlog Kolegija Doma naroda, utvrdila je Privremena komisija za izbor i imenovanja Doma naroda.

Prijedlog odluke obrazložio je predsjednik Privremene komisije za izbor i imenovanja Doma naroda, Ivo Tadić.

U raspravi su učestvovali: Aner Žuljević i Tomislav Martinović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova za i jednim glasom protiv, donio Odluku o izboru predsjednika, zamjenika predsjednika i članova Privremenog odbora za poljoprivredu, vodoprivredu i šumarstvo Doma naroda Parlamenta Federacije u sastavu: Ilija Ilić - predsjednik; Haris Jusić - zamjenik predsjednika; i članovi: Jasminko Kapić, Damir Džeba, Goran Broćeta, Smiljana Viteškić i Rasim Kantarević.

Sjednica je završena u 18.00 sati.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALAČI

Tomislav Martinović